

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XIV. NOVEMBRIS.

M. FRANCISCO PIART, Doctore Medico, Moderatore.

An acutis vena sectionis quam purgationis vsus potior?

97^a

ACTORVM morborum non vnum est genus, nam & sæuiunt sine febre vt apoplexia & cholera venæ sectione & frigidâ oppugnanda, & sæpe febrem habent adiunctam vt variolæ & morbilli ignoti veteribus. Sic autem dicuntur qui celeriter continenter & vehementer mouentur, cuiusmodi inducunt dignitas partis, inflammatio, maligna cacochymia à veneno distincta, & symptomatica μεταστροφῆς. Habent initia ferè crebra metaptosis & orgasmis ex pleniorum humorum copia & ferina prauitate qua subito quasi turbine afflati huc & illuc tumultuantur. Ab ortu primo statim inualescunt, & rapido excursu properant ad exitium potius quam ad salutem, nisi remediorum opera repressa feritate ἐν μεταστάσει in aliam migrent morborum coloniam.

ACTORVM parens humor multigeneris, maxime autem biliosus & qui feruore ac putredine circum claustra sua fremit. Ille modo ἐρεθισμὸς pruriens instar furentis in venerem animalis quoquo uersum debacchatur impatiens loci & quietis nescius: aliàs apertis abstrusus ductibus aut intimis suffusus visceribus obstructionum auctor est & inflammationum. Ita vna esse nequit eorum medicina seu vacuandum, seu reuellendum & deriuandum, seu qualibet ratione medicandum. Nunc minuendæ cibis vires, nunc iniiciendæ furentibus humoribus compedes, nunc reuocandus eorum impetus & alio insectendus, mutanda modò mala temperies, exhauriendæ venæ, expurganda illuies, feritas demulcenda, viscerum nitor & integritas promouenda.

OMNIS in venæ sectione atque purgatione salus: cum illa plethoram, hæc cacochymiam exhauriat communes morborum causas παθησιμῶν. Crudele non est cruentum licet præsidium sanguinis vacuatio, cuius modus vicibus non est definiendus sed vsu; qui magnitudine morbi & robore virium terminatur. Sanguinem satius est per vices quam vno ductu ad λειποθυμίαν fundere. In summis viscerum ardoribus ab hydropes plus periculi ex vna quam ex decima aut duodecima sanguinis detractio, succedente scilicet marasmo μετεφρυσί. Omnis eam fert ætas, temperamentum, regio, tempestas, & ipsæ quæ gestant vtero mulieres. Cum nullus ferè sit affectus cui non sit proficua, acutorum singulare est auxilium.

IN missione sanguinis artis industria exsplendescit, in purgatione Naturæ diuitiæ, quæ ad nitorem corporis nostri procurandum soli stirpium generi virtutem impressit κατάρτην. Metalla delectu non purgant sed vi fusoria, septica aut omnino venenata; vt acceptum ab eis beneficium id ipsum sit quod exitiali morbo debetur, cum per eum bonis malisque humoribus exhausti speciosa sanitati restituimur. Ex cathartici quod turbas naturæ moueant, eligenda molliora, quæ visceribus vtcunque blandiantur, & quæ crebro repetita nos vehementiorum radio leuent. Raro incipientibus, vigentibus morbis nunquam exhibeantur neque per inflammationes internas. In diuturnis affectibus sæpesapius propinanda atque in acutorum declinatione inducitur humorum πεπαισμός.

IN æqua purgandi corporis & vacuandi sanguinis necessitate à phlebotomia tutissimo vtilissimoque præsidio auspicandum. In Acutorum prioribus temporibus semper potior venæ sectionis quam purgationis vsus. Phlebotomiam omisisse poenituit, profuit sæpe purgationem distulisse. Cum in furias humores aguntur, cum omnia intus permiscunt, conturbant & fœdant; cum æstuant viscera & flammam accipiunt; cum genitalem partium succum vstulator ignis deprædatur; ab epoto cathartico plurima quidem fuscæ & quæ profunduntur nullo solatio, graui noxa. Sed apertis supernarum infernarum partium venis frænatur humorum orgasmus, æstus viscerum temperatur, repressa putredine aueritur inflammatio, omnia subducto morbi pabulo tepescunt, & leuata oneris parte natura deinceps in pepasum superstitis humoris feliciter incumbit.

Ergo acutis vena sectionis quam purgationis vsus potior.

F.M.P.
BIBLIOTHECA

Proponebat Lutetiæ IOANNES BAPTISTA MOREAV Parisinus. A.R.S.H. M.DC. XLVII.

DOMINI DOCTORES DISPVATVRI.

M. TVSSANVS FONTAINE.
M. FRANCISCVS PAIOT.
M. FLORIMONDVS LANGLOIS.

M. CLAVDIVS LE VASSEVR.
M. DIONYSIVS IONCVET.
M. IACOBYVS GAVOIS.

M. CLAVDIVS DE POIS ordinarius Reginae magnæ Britanniae Medicus.
M. PETRVS LE COMTE.
M. GUILLELMVS DE VAILLY.